

Headline	Nyaris maut kenderaan terbabas dalam tali air		
MediaTitle	Sinar Harian		
Date	09 Apr 2015	Language	Malay
Circulation	40,000	Readership	120,000
Section	Nasional	Color	Full Color
Page No	49	ArticleSize	128 cm ²
AdValue	RM 1,947	PR Value	RM 5,841



Nyaris maut kenderaan terbabas dalam tali air

ALOR SETAR - Dua wanita nyaris maut setelah kereta dan motosikal dinaiki mereka bertembung sebelum terbabas ke dalam Terusan Wan Mat Saman di kawasan lampu isyarat Taman Bersatu, Simpang Empat, Tandop di sini, semalam.

Dalam kejadian sekitar jam 8.30 pagi itu, Siti Zulaikha Zolkeplee, 26, yang memandu kereta dan Nurul Atikah Alias, 20, menunggang motosikal berjaya diselamatkan orang ramai dari terusan itu.

Difahamkan, Siti Zulaikha, pelajar Sarjana Perbankan Islam (Muamalat) Universiti Utara Malaysia (UUM) dalam perjalanan dari Alor Setar ke rumah keluarganya di Guar Chempedak sementara Nurul Atikah berasal dari Bukit Raya, Pendang dalam perjalanan menuju ke Alor Setar.

Ketua Polis Daerah Kota Setar, Asisten Komisioner Adzaman Mohd Jan berkata, siasatan awal mendapati kemalangan berlaku apabila kereta dipandu Siti Zulaikha yang menghalau ke Simpang Empat dilanggar dari belakang oleh sebuah kereta lain yang dipandu Ng Yew Heng, 30.

Beliau berkata, pelanggaran itu menyebabkan kereta dipandu Siti Zulaikha hilang kawalan lalu masuk ke laluan bertentangan



Seorang mangsa diberi rawatan awal oleh petugas kesihatan.

sebelum dilanggar penunggang motosikal menyebabkan kedua-duanya masuk ke dalam tali air di kiri jalan arah ke Alor Setar.

“Penunggang motosikal yang juga pelajar Politeknik Jitra dalam keadaan kritikal di Hospital Sultanah Bahiyah. Kecederaannya belum dapat dipastikan namun, doktor memaklumkan air parit yang kotor masuk ke dalam paru-paru,” katanya.